

## 藤氏醫談目錄

## 卷上

辨溫病時疫	一
疫疾汗解	三
決死生	四
辨補與養	四
草根木皮可補元氣	五
尊信李杲薛己	六
祖述靈素難經	七
補湯	八
臟腑配當	九
左右偏勝	一〇

## 卷下

雜說	一一
傷寒	一五
時疫	一七
痢疾	一八
脚氣	二〇

藤氏醫箋

二

虛勞

二五

# 藤氏醫談卷上

泉界 草醫 近藤明隆昌 著

## 辨溫病時疫

疫之爲病也。歷代諸名家論之者紛紛。未有定說。或云溫病。或云天行病。或云時氣病。而中暑傷寒。雜糅其間。規則法律。其能曉然。及其臨證處方。不能無狐疑焉。某氏以溫疫爲天行時氣病。而其所說皆是溫病。而溫疫之論。亦無明文。楊玄操註難經。親以爲溫病者。乃是疫屬之氣也。龐安常謝堅白之徒。皆雷同是說。於是唐宋以下之方書。皆使溫病溫疫混淆莫辨。疎笨之過。竟誤千歲。豈非可歎乎哉。至明末吳又可。獨能有見於此。取法千古。經著論示方。釋漢唐以下之惑。明辨溫疫之一症。條分縷析。不遺餘力。諄諄如響應聲。照照如鏡照面。於是疫症始晰。治方大精。使醫家始得辨溫疫之病。使生民免天枉之患。其功干天下後世。可舉言乎。且其所論。以爲寒熱溫涼。乃四時之常。因風雨陰晴稍爲損益。亦天地之常氣。未必多疫也。傷寒與中暑。感天地之常氣。疫者。感天地之厲氣。在歲運有多寡。在方隅有厚薄。在四時有盛衰。此氣之來。無論老少強弱。觸之者即病也。是即溫疫之正論。而經所謂日久成瘧。即暑熱適至。赤風腫。化疫溫厲。又云。厥陰不退位。即大風蚤舉。時雨不降。濕令不化。民病溫疫是也。以是觀之。疫厲之爲氣也。因歲運多寡。陰陽厚薄。而天地間。別有一種惡厲之氣。而使人病。曉然可見矣。古云。草多則天芸。以風人多則天防。以疫。是亦言天地間。有一種惡氣出也。是蓋真麻疹痘疾等之病相類。故又可氏本癰輪一經。且立邪從口鼻而入之說。以爲半表半裏之病。而至其處方。以胃經爲規則。以舌苔爲綱。屢疎利以導之。汗下以驅之。其進退逆從。徵諸古今。無所疑。實諸鬼神無所愧。實可謂吾黨千載之聖手焉耳矣。但其中矯激過正。間有可議者。學者不可以無辨矣。其較雜氣之說。以爲如大麻風。精膝風。歷節風。疔瘡。發背。癰疽。流注。霍亂。吐瀉。暴注。腹痛等之諸症。皆感雜氣者。而疫氣亦雜氣中之一。但有甚于他氣。因名之厲氣也。噫。是蓋

又可氏之僻見。學者所宜分辨也。蓋又可氏。諄諄說溫疫一症。因併使他病混淆。如夫大頭瘟。蝦蟆瘟。麻疹。痘疹。等之症。實與疫氣同屬感厲氣者也。至大麻疹。轉筋風。歷節。疔瘡。發背。癰疽。流注。霍亂。吐瀉。暴注。腹痛等之諸症。實非惡氣之所感者也。蓋皆外來之邪氣。而感天地間之常氣者。經所謂虛邪賊風。或風寒暑濕燥火者是也。是豈盡可以爲異氣厲氣乎。又可氏。正傷寒例云。冬傷寒。至春變爲溫病之過者。非溫病即溫疫也。且云。冬時嚴寒所傷非細事。反能藏伏過時而發耶。是亦吳氏未深思之誤也。豈爲溫疫之毒。獨能有伏藏。而寒毒之氣。則無伏藏乎。是冬感寒。至春變爲溫病之過者。所謂感虛邪賊風之常氣者也耳。又可特欲說溫疫一症。而唯以傷寒與中暑爲天地之常氣。而以他氣皆爲厲氣。是又可立六氣之誤也。六氣固有寒暑輕重之分。溫疫之氣亦然。豈終可以是一混耶。余嘗謂又可氏至論疫之一症也。至矣盡矣。無以尙焉。但其有矯論可辨者。要白璧之微瑕。不害爲寶。是蓋非深于經者。不能至是。然以疫與瘧同類。僅微瘧論一語。不多引經語。以飾紙上之言者。亦是又可氏之深識。慮後人淺學者。或生多歧之惑者也。予間嘗閱一醫人論溫疫者。其書多徵經語。雖略似有明文。而於經旨。猶有未合者。其書有言云。溫疫經稱虛邪賊風。越人仲景名中風傷寒。皆是外來即發之病。而疫病之義也。是不明事理之誤也。夫厲氣者。別有一惡氣。而以外來虛邪賊風爲疫病者。是不會虛邪賊風即爲天地常氣中之一物故也。難經曰。病有虛邪。有實邪。有微邪。有正邪。又云。心病中風。得之爲虛邪。傷暑得之爲正邪。飲食勞倦得之爲實邪。傷寒得之爲微邪。中風得之爲賊邪。是可見虛邪賊風。實非疫厲之氣矣。又云。溫病感冬時嚴寒之正邪。至春發者云溫病。又名伏氣。病非感虛邪賊風。又云。非正邪則無伏藏。虛邪賊風者。中即發。是即溫疫。中風。傷寒。是也。是何不思之甚也。蓋正邪固有伏藏。有即發。而虛邪亦有伏藏。有即發。至於疫厲亦然。何謂非正邪。則無伏藏哉。經云。虛邪入客於骨。而不發於外。至其立春陽氣大發。腠理開。因立春之日。風從西方來。萬民又皆中於虛風也。是等之語。豈非皆爲虛邪伏藏而發歟。而謂非正邪無伏藏者。獨何也。故非善讀書者。則或陷於多歧之惑。非深達事理者。則終朽於庸醫之拙矣。今請明辨之。夫麻疹。溫瘧。溫疫等之症。皆是感天地間一

種惡屬之氣者也。而疫屬之爲氣最爲重毒。中風傷寒中暑中濕溫病等之症皆是感風寒暑濕之虛邪賊風者也。而傷寒之爲症最爲猛烈。而惡屬氣有伏藏有即發。虛邪賊風亦有伏藏有即發。二者皆有寬急輕重之分。因以致病之轉變不可究極也。苟非有見解難以辨別之矣。凡夫醫之爲事也。臨機應變無有一定之法。故古昔名家哲匠之設論處方亦無有一定之說。或名同病異。或病同名異。或詳乎論而略乎方。或精乎義而簡乎術。雖得失互有。而要皆益于道矣。夫唯能釋其條理提其要領者而後可以讀方論。可以言治術。學者其可以不致思乎。

### 疫疾汗解

凡事不患不詳。患其多而惑也。於吾道爲最甚。自漢長沙氏以來。名賢代起。方法議論。於今無不備矣。然其說愈繁。其辨愈鑿。苟非能釋其條理。提其要領。何以臻于妙妙之術哉。夫汗吐下溫清補治術要領之所在。而其施之方。各當其可。是之謂能得其條理也。若夫傷寒溫疫二症。汗解之功居多。而傷寒與溫疫進退前後迥別。不當其可。何以治病。吳又可曰。傷寒投劑一汗而解。時疫發散雖汗不解。傷寒汗解在前。時疫汗解在後。余讀此論至于此。未嘗不喟然嘆吳氏之精到矣。徵之于症候。施之于治術。無毫髮之違。是治疫之要領。而吳氏乃能得其條理者也。能得此訣以臨病。終無有誤。世醫間不知傷寒與溫疫有分別。一遇熱毒。漫稱云溫疫。投以葛根湯。麻黃湯之類。發汗而間有瘳者。蓋傷寒感冒之邪。而非疫邪也。醫工不知。則自誇曰。吾藥能去疫毒。病家亦歡呼呼神醫。是何蒙迷之甚乎。醫家終身不悟。其及一遇真疫症。亦猶稱溫疫。一切恃前功。殊不知溫疫初起在陳利。漫投發汗劑。只損表氣。既而遷延十餘日。病勢漸張。疫毒已離募原。欲表未表。當一汗以可解。時乃引經誘發汗過多。亡陽。遂以柴桂湯。黃連解毒湯。瀉心湯之類。專務清熱。是以邪氣不能出表。邪毒漸聚到胃。通舌變黑。病勢加重。當是時一下可以解。又稱爲陰症。投以真武湯。附子理中。或益氣湯之類。邪毒益固。變症日增。神脫氣盡。卒至斃。是蓋不知治疫之要領。終違條理而所致。向則不應汗而反汗之。今則應汗而反失汗。此醫不知傷寒與溫疫有分別。用藥前後失序之誤也。蓋溫疫與傷寒所以異者。傷寒之邪自毫竅而入。時疫之邪自口鼻而入。故傷寒汗

解在前。時疫汗解在後。且溫疫之爲治。首尾以通行爲主。初起在疎利。至邪毒漸離募原。專主發汗。或幸有得自汗。盜汗。戰汗。狂汗而愈。若邪毒愈重。漸留在胃。則一下得以解。知其要領。得其條理。何難之有乎。然世醫動輒稱溫疫漫投發汗劑。不知傷寒汗解在前。溫疫汗解在後。一概遵用斯法。是豈得兩全乎。余故謂治傷寒能察仲景之旨趣。治時疫能取又可之法。而得其要領條理者。雖遇千變萬化之奇症。易于拾芥焉矣。又偶有感之重而邪毒猛烈。表裏共熱等之症。是不可專任疎利。桂枝麻黃之類。可以分解。別詳論之。

決死生

治之爲事也。有可治焉。有不可治焉。有不可治而可治者焉。治可治弗治。不可治固亡論已。彼弗治不可治。而可治者。將焉用醫工乎。庸醫終未達于經旨。方術猶未精。動輒曰。我能治可治。弗治不可治。而一遇危篤難治之病。則不能盡治術于專一。專以決死生。計死日爲至。既而其人死。則曰我能決死生。我能計死日。因是至危篤難治之病。則不察脈理。不詳所因。戰戰兢兢。專以護于他醫。焉得矣。是以不可治而可治之病。竟以至於不可治。豈非不仁之甚乎。經云。死日有期。醫不能明。不問所發。唯言死日。亦爲僞工。此五過之一也。若夫至危篤難治之病。能察其所因。能詳其虛實。能按其治術。則刀圭朝入口。夕至死。實非僞工之說也。故歷代名家云。危篤難治。云九死一生。云十死一生者。皆是死生不決。不可治而可治之病也。古人猶且如此。況今人豈有一一能決死生乎。至其不可治者。古人云不治云必死。然則醫家之要。不在決死生。言死日可知矣。世醫多以察死生爲務。曰我能治可治。弗治不可治。蓋治可治。不治不可治者。庸醫能之。弗治不可治。而可治何足以稱醫之良矣乎。

辨補與養

物非可以一理徵。事非可以一途驗焉。夫人身之疾病。非有餘則不足。有餘者補之。不足者補之。是醫途之大關。治術之要法也。若有少乖違。將實實虛虛。致邪失正。還人夭殃。絕人靈命。不可弗慎矣。而補之於術。所係甚重。而其施之之法。又甚多方。蓋古人之所難。所謂不可以一理徵。不可以一途驗者。世醫往往不知補字義。以補

爲養。混淆無辨。漫斥補湯之論。醫家者流。不可以不辨矣。蓋補瀉之術。古謂之調氣之方。於鍼科謂之迎隨之法。按補瀉也。填調榮衛不足逆亂之氣之謂也。醫猶以薪煮物。薪伏則火氣不熾。以手播薪。則火勢大興。是補之義也。夫醫家之於補。以藥石填補其不足之氣。則藥衛流行。元氣大興。是謂之補益。此專爲病者設者也。又養者育也。以穀肉果菜養育平常之氣之謂也。是專爲平人無病者言者也。非謂穀肉果菜可以治不足病矣。故合平變則言補養。何可無別乎。世醫又曰。仲景無補劑。誤矣。夫長沙氏之於補。以瀉心湯補心氣不足。又大黃蜜蟲丸以緩中補虛。隨症制宜。人見其方有異後世之撰。而遂以爲無補者。非誤乎。至後世李果薛己之徒。專立補益滋潤之方。其有藥品之異者。蓋亦隨症制宜。要法仲景之遺意爾。是皆爲病者調補其虛氣充足。其不足者。非以補乎。人無病者之謂也。或又引素問毒藥攻邪。五穀爲養之語云。藥石偏味。不可以爲補。穀肉果菜之補充元氣。是謂之補。其徒雷同蟻附。皆曰草根木皮。豈補元氣乎。金石丹砂。豈延生命乎。遂使虛耗脫精之病者。藥補益滋潤之劑。有餘實火之病者。有膏粱滋味之害。豈不悲乎。是不知補與養有分別之誤也。蓋脾胃者。倉廩之官。飲食入脾胃而後水精四布。五經並行。是以榮衛流行。能終天命。是養育平人之義。故曰。穀肉果菜。養人身之具。非所以補。蓋病人也。及一朝生病。虛乏脫精也。水醬酒醴。且猶不可入口。況穀肉果菜。何以能充腸乎。膏粱滋味。何以能適腹乎。其唯草根木皮。以補其元氣。金石丹砂。以去其病患。是之謂善補其病體也。既而元氣復初。則穀肉果菜。復養其平。膏粱滋味。復時其養。無適而不可矣。是可見補與養。大有分別。不可以混淆矣。是故靈素八十一難皆曰。穀肉果菜養元氣。未嘗曰補元氣。夫靈素難經者。聖經也。人人可以信矣。故曰。物非可以一理徵。事非可以一途驗焉。夫補元氣者。草根木皮是也。養元氣者。穀肉果菜是也。學者其勿謬旃。

### 草根木皮可補元氣

古曰。草蟲鳴則阜螽躍。一雞鳴則萬雞鳴。信哉吾邦近世名賢輩出。唱古方之學。一時風靡。實可謂千歲之盛矣。蓋彼皆眼饑千載之醫籍。心厭百家之腐說。乃新創一家言曰。百病生于一氣之壅滯。曰。萬病皆一毒。其意以爲

藥石攻病之品。不可以補生氣。夫唯藥殺養生之具。可以補生氣。皆一離取法于靈素之間。而頗涉矯激其弊。誤末學者亦多矣。蓋此數家。皆一時之俊傑。其言亦鑿鑿可據。然後來愚眼淺識之徒。藉彼聲譽傲然。稱古醫方家者流。或輒詆斥先賢。或妄棄擲舊式。其言曰。草根木皮。豈補元氣乎。金石丹砂。豈延靈壽乎。竟以奇種神丹。以爲衛生之品。延齡固本。以爲驅邪之具。嗚呼。以一時之矯論。實害於病家。可不慎乎哉。是蓋不知補湯之事理之過也。又其論百藥之良毒。以爲人參黃蘗不爲良。巴豆芒硝不爲毒。雖有小毒大毒之不同。而渾以爲攻邪之物。豈其然乎。豈其然乎。若果其言之是乎。則一二味。而可以足焉。仲景何煩制許多藥方乎。既有許多藥方。則雖一味有良毒之性。明可見再。爾天下藥品。一物無有同其効者。亦猶一物無有同其形者。夫草根木皮。金石丹砂者。皆稟偏勝之氣者。可以補瀉病人之不平。殺肉果菜者。皆具中和之味者。可以養育平人之常度。凡人之受病也。口不能適味。但恃補湯之力。以助其元氣而已矣。而藥殺藥石。亦同天地之生類。其性殊不相遠。果菜已有能養生氣者。則草根亦有能補元氣者。木皮有能攻病者。則殺肉亦有能驅邪者。而藥殺有佳處之品。藥石有良毒之性。互相爲用。是以神農本經。分上中下三等。上藥以養命延年。中藥以養性補虛。下藥以治病除寒熱。何者是天下品類。無一物同者也。若唯偏以藥石。渾爲攻邪之物。藥殺盡爲補益之品。或至使人爲天枉短折之鬼焉。或曰。素問云。大毒治病。十去其六。無毒治病。十去其九。殺肉果菜。食養盡之者。豈非食養爲補之謂歟。曰不然。蓋斯時醫治之法未備。藥石之用未周。雖僅存十三方。而其方今不堪取。由是觀之。雖稱上古神農日嘗百藥。而至漢始有本草之名。則黃岐之世。猶未周備者可知。故雖以藥石補瀉之術。至湯劑則唯有大毒無毒之論。未嘗及補湯也。雖然。藥石且猶有補。況於草根木皮乎。況於金石丹砂乎。古書云。五穀充飢。而不能益壽。百藥療疾延年。而不能甘口充飢。執斯術者。所宜致思也。

## 尊信李果薛已

天降時雨。山川出雲。天恤生民。必生聖明。天皇氏。地皇氏。堯舜姑會之。伏羲氏之王天下。民居穴家巢。與禽獸同。



遊葆真守機。積精全神。是以人壽皆亘百歲。動作不衰矣。及神農氏王天下也。民懷恣情縱欲。病道日加。神農氏有憫焉。乃鞭百草。日嘗百藥之毒。以救人民之疾苦。然猶未有病輪。岐黃之世。病輪始立。補瀉之術。始顯矣。然唯重鍼石。按摩之法。藥方甚少也。蓋雖曰神農氏。日嘗百草。而未有本草之名。至漢平帝之時。始舉天下通知本草者。本草之名。始見于此。是知黃岐之世。藥方未備矣。夫秦越人之在戰國。淳于意之在西漢。雖有輪列方。亦亡傳及漢末。張仲景氏出。始立湯方。以治外感之病。攻補溫涼之法。於是乎備矣。嗚乎。如仲景氏。信所謂集大成者也。然其書止詳外感。而內因之病。蓋闕如也。蓋當時民風猶淳。病端未多。不然則又安知不有張氏別有成書。而輪補益滋潤之法者乎。夫汚隆隨世者。天地之常。淳漓成俗者。必然之理。人身之疾苦。經年彌多。內因之症候。乘時益繁。降至元明。李果薛己之徒迭起。始精內因傷感之病。首制補氣補血之劑。民到于今。受其惠賜。是天以其時生其人者。猶夫時雨之降山川。出雲之類耶。天之恤生民。何其周到。李薛之功。於是爲大矣。余嘗謂夫天地運動。終古不變。而民生氣稟。逐世而遷。以其躁競之心。涉彼希靜之塗。意速事遷。名利攻其外。情欲惱其內。滋味煎其藏府。醴醪浸其腸胃。是後世內因之所以多也。豈單可以古方療今病乎。蓋人身之疾病。有內因。有外因。仲景者。精外感。李薛者。詳內因。故夫治外因者。捨仲景不可以取効。治內因者。捨李薛不可以施療。仲景者醫聖也。李薛亦聖手也。仲景可尊信。則李薛亦不可廢。世醫多知祖仲景。而不知宗李薛。及其臨病外感則可。或遇內因。將何以取法乎。夫刀圭之失。恐置人於天枉。餽口于斯技者。其可不慎乎。故醫人體夫天恤生民之心。則庶幾矣。

### 祖述靈素難經

夫醫道之來也。尙矣。黃岐問答之書。名云內經。蓋岐黃之世。民懷淫于安。病以時成。於是黃帝與岐伯鬼臾區等。上窮天紀。下察地理。五行陰陽。以應人身之度。數經絡配當。以論府藏之疾苦。互相問難。發玄微于不朽。躋生民于壽域。民到于今。受其弘慈。然其爲書也。理道淵深。文辭古雅。而後人續紹。玉石混淆。且歷年數千。謬字錯簡。亦多矣。非審讀不易以通曉。及戰國之時。有秦越人者。作爲難經。以續黃岐之遺緒。此二經者。蓋醫家之準繩。病候

之規矩舍之莫以取法矣。是以自漢張仲景以後。劉河間東垣朱震亨輩。皆依靈素。互有發明。世稱四大家。其所立言。醫林奉重焉。如仲景之於外感。河間之於熱病。東垣之於內傷。丹溪之於雜病。皆取靈素難經之要旨。而各自成一家之言。夫靈素難經者。實難經也。吾大東昇平百年。教化誕施。大雅之音。遍于四方。是以雖瘴鄉邊鄙。殆無不文之醫。於是乎名賢數輩。巍然崛起于其間。涉獵百家。跋扈千載。設百病生于一氣之滯滯。萬病皆一毒之說。各成一家之言。皆有所見。要其歸趣。蓋亦取法于靈素焉爾。此數家者。實吾東方之俊傑。中夏二千有餘年。亦寥寥乎無有此貌矣。醫林後生。亦可以重也。然其立言也。務稱拘滯。動過矯激。曰運氣配道。道家之事。不足以徵靈素難經。後人之僞撰。亦不足信。是以其徒弟。皆排靈素。其意往往以爲運氣配道五行陰陽等之說。非醫家之所宜掛齒牙也。遂咄咄嗚嗚。嗟嗟人耳目。於是後來愚眼識者。或有一痘聖經者。亦不深致思。終無得其蘊奧。唯漫稱後人之僞撰而已。殊不知其一氣一毒之說。果出于何書。已自號稱古醫方。而一廢古經。抑是何意。間有致思于聖經者。竟爲庸醫所折。豈不悲乎。蓋彼數家。實吾道之英雄。嘔血白髮。焦思靈素難經。以發一氣一毒之說。可母可重。然至于其排聖經者。殆矯激之遺害。後醫之大患。嗚呼。彼排經之說。卒爲後生文不學之資。可謂功過相半者矣。蓋人身之疾病奇症。異候變化。不可舉知。舍靈素難經。其何以爲規矩準繩哉。故後生致思于是書。亦可以發先人之未發。可以臻妙妙之術。是醫工之欲善其事者乎。舍規矩準繩。其何以乎。其何以乎。

## 補湯

言之過文學者。所患靈漢子遺。秦晉標杵。詩書且然。況其下者乎。夫補湯之有益于人身也。大矣。唐宋以下之醫生。特大其言出延命不老之說。是以後來愚眼識者。不知補湯之理而生疑。于此乃謂草根木皮。豈有延命不老之理乎。人參黃耆。豈可補氣乎。地黃當歸。豈可延年乎。因自稱取法于長沙之古。專求攻伐之事。擅爲毒藥攻邪之說。其故何也。蓋唐宋以下之醫。及出延命不老之說。特大其言過文。誤實。竟使後世醫工。不曉補湯之理。可不惜乎。蓋補者填。填謂榮衛亂逆之氣之謂也。非謂以藥石充足榮衛不足。若以爲充足之義。則終不通。且所

謂補氣補血者。果何謂也。故知補爲填調之義。則補湯之理。豁然明了矣。夫天壽有命。豈可以草根木皮求乎。但其以藥石填調榮衛亂逆。以終天年者。補之功也。夫唯以此榮衛流行。以至終天年。則云充足。云補益延年。又不誣而已。若曰。以草根木皮充足不足之元氣。則無有此理。且夫古以鐵石按摩補不足。見內經。至長沙氏。始有補劑之說。長沙氏云。心氣不足。吐血衄血者。瀉心湯主之。又云。虛勞裏急。諸不足。黃耆建中湯主之。又云。五勞七傷。羸瘦腹滿。不能食。食傷。憂傷。飲傷。房室傷。飢傷。勞傷。經絡榮衛氣傷。內有乾血。肌膚甲錯。兩目黯黑。緩中補虛。大黃蜜蟲丸主之。又云。虛勞腰痛。少腹拘急。小便不利者。八味腎氣丸。又云。虛勞諸不足。風氣百疾。薯蕷丸主之。其補方。不可枚舉。是仲景用補湯之法。明白如此。但仲景以瀉心湯。補心氣不足。以大黃蜜蟲丸。補五勞七傷。然則云補之者。非充足之義。填調氣血亂逆之氣之義。亦復明白如此。不然。則鐵石按摩。大黃蜜蟲。黃連黃芩。俱充足元氣之品哉。因是準之黃耆建中。八味腎氣。薯蕷丸之類。亦皆調氣之劑。而爲填調氣血亂逆之主方可知也。後世嚴氏歸脾湯。李杲補中益氣。局方十全大補之類。其他唐宋以下。哲匠所製之補湯。蓋皆祖長沙氏調氣之意。而非充足之義。亦可知也。以今考之藥物品類。亦與仲景不甚相遠。而其精意。全過于仲景。可以補不足。可以應無量奇疾。然至強大其言。立延年不老。滋潤固本之說。則所謂過文之失。學者不以言害志而可矣。故學者先知補爲填調之義。而後補湯之義。可以通。補湯之義。可以通。而後延年不老。滋潤固本之効。可以言而已矣。世醫雖曰尊信仲景。而不知其補湯之旨者多矣。徒取其攻伐之劑。以爲盡仲景。何其弗思之甚也。噫。

#### 臟腑配當

源泉竭。則枝流涸。根蒂朽。則莖葉枯。言其本傷。則末不得全也。夫醫之治病也。亦知其本末。而後其治可施焉。蓋人身自五臟六腑。中氣血流行。津液涌出。以達四體。故藏府一有傷。則先見某藏某府之症。譬如肺病。而損於皮毛。心病。而損於血脈。脾病。而損於肌肉。肝病。而損於筋。腎病。而損於骨。見其症之所在。而知其病之屬何臟何腑。是枝流涸。知源泉之竭。莖葉枯。知根蒂之朽者也。其施治之法。不先察其源泉根蒂之朽竭。奚得救莖葉枝流之

瀕枯乎。是方家所說二千有餘年。上之黃岐。下之李朱。其間名手哲匠。何啻千百。而其所論說。舍此莫以得啓喙焉。然則臟腑經絡之說。爲醫道之蘊奧。方家之要務也。失矣。世醫稱古醫方家之徒。皆不取運氣陰陽之說。併亦細經絡配當之旨。以立一家之說。其所論說。有足以破庸腐之惑者。不爲無功矣。然吾道之爲事也。關人之生命。不可眩于過文激論。以枉志業。余請以臆見斷之。夫運氣配當五行陰陽者。蓋過高之言。無益于治術。非疾病醫之所與也。如夫臟腑經絡配當者。當然之理。不可以廢。廢之則無知枝葉之根蒂。河流之源泉。嘗試論一二憂愁思慮則傷心。飲食勞倦則傷脾。人人所知。不待煩贅。唯五臟之傷于內。是不可知者也。人有所悲哀則淚忽下。有所羞愧則汗必出。見美味流涎。嗅惡臭發嘔。其故何也。蓋皆臟腑中有所觸發于其事而已。未有見美味而發嘔。嗅惡臭而流涎者也。然則其臟有病。見其症。其腑有病。見其症者。是宜有之事。故凡病不以臟腑經絡求其所因。何由可尋根蒂源乎。余故曰。運氣陰陽之說。蓋非醫家之要。至於臟腑經絡之理。我不能敢廢也。

## 左右偏勝

夫人身之疾病。或偏左。或偏右者。何也。凡人身之體。氣血周流。如環無端。榮養四肢百骸。達于鬚髮爪甲。無往不有氣血。若其有病。則當周身病也。而今有偏勝之病者。蓋有故。醫法曰。肺大腸脾胃命門三焦者。位于右。肺者主氣。脾者後天元氣之所出。命門者。主下焦之陽氣。故以右爲氣之位。心小腸肝膽腎膀胱位于左。心者主血。肝者藏血。腎者主陰精。故以左爲血之位。是左右氣血之分位也。因是命左右則偏勝之疑。可以冰釋。至于朱震亭始以左爲血。以右爲氣。遂立法謂中風左偏枯爲血虛。右偏枯爲氣虛。此說始創于丹溪。蓋漢唐以前。唯有中府中藏中血脈之分。此言未嘗經見。是丹溪循古醫法以發前人未發者。實古今卓見。可以則可以法。於是薛立齋與廷賢輩。皆遵用斯言。或以偏左頭痛爲血虛。以偏右頭痛爲氣虛。右足痛爲氣。左足痛爲血。左脇痛爲血。右脇痛爲氣。一取法于丹溪。不敢有違。到於今。猶依其遺法以施於治術而有驗者。實丹溪之賜也。時醫分別左右偏勝者或鮮矣。故聊揭于此。夫謂一氣一毒。或留滯于左。或留在于右者。莫止于千里之謬乎。

# 藤氏醫談卷下

泉壩 草醫 近藤明隆昌 著

雜說

夫醫名司命者。蓋司人身生命之謂也。其職任尤不輕。非有博覽強記之識。以通知于古今。審問精思之勞。以窮于髓奧。未可以委人命。自古稱良醫良工者。業餘亦操筆立論。以示方法。其爲書汗牛充棟。皆所以欲躋天下後世於仁壽之域也。其勤亦至矣。余也生于刀圭之家。竊欲倣古人之爲。然庸愚且貧。加以多病。如是而終何異草木之朽枯。素餐之誚。靡以逃焉。是故區區之心。聊亦欲著述一書。爲初學成法。則又思前哲之正說既明且備。無復待吾輩之容喙。如斯編者。亦唯拾餘唾於舊編。倘或有一得之愚。可以取則。余之幸矣。

近世有釋氏之徒。間傍言醫事者。曰吾知醫。曰吾以此消閑。嗟夫。醫者仁術也。委人之靈命。謂之司命之職業。醫者夕思朝苦。嘔血白髮。而猶苦未能到神妙之域。而况供佛之暇。纔窺國字方書。可以司是靈命乎。且刀圭鍼砭。豈消閑之具乎。投劑一觀。冥報頓至。吾恐五逆罪業。未必如是慘。

世稱古醫方者云。欲學醫讀一傷寒論足矣。豈其然乎。醫方千卷。猶未盡其理。豈可僅以一傷寒論。應于無涯奇疾乎。彼有徒言八味丸。治脚氣。而憊不知其因。補腎經者。亦寡聞之由也。

厭繁好簡者。人之情也。時醫事配當者。亦往往暗于道。拙于術。靈素難經。束而不讀。竟趨于論症不論因之簡。專從尋藥攻病之說。及其遇病。則朝投攻伐之劑。夕躊躇及補湯之論。此何無特操也。是非繁之害。抑示好簡而疎漏者也。

正五倫之名者。聖人之所以立教也。立五臟之位者。醫師之所以治病也。有五倫而教術立。有五臟而病位定。若不審於此。而從醫藥之事者。有違人天殃耳。

近世有漫創削傷寒本論者。縱令其近理。亦纔泥于紙上之言。而不益于活用。反失仲景之旨趣者必多矣。大與聖人刪詩正樂者異。

世或云通知于醫經者。反拙于治術。異吾所聞。世醫多不攻學。徒以辨口候訣。規偶中之利。乃作斯言以欺世誣人耳。自古稱聖手哲匠者。孰有不學者乎。且也病之所估者。醫也。醫之所恃者。書也。捨之可以託天壽。安危平。縱令姑釣譽於一時。日療數百人。何以此爲榮乎。故業是業者。第盡力于此。其得志與不得。抑有命矣。非醫工之恥也。

夫惡天好壽者。人之情也。求名貪利者。人之欲也。予嘗讀司馬子長貨殖傳。壯士在軍攻城。先登陷陣却敵。斬將奪旗。前蒙矢石。不避湯火之難者。爲重賞使也。賢人深謀於廊廟。論議朝廷。守信死節。隱居巖穴之士。較爲名高者。安歸乎歸於富厚也。夫千乘之王。萬家之侯。百室之君。尙有患貧。而况匹夫編戶之民乎。由此觀之。名利之所在。至於忘生忘死。然則名利之欲。大於天壽之情也。是故脾腎之成病者小而易守。心肝之成病者大而難慎。若人病云脾虛腎勞。則遽節飲食。慎房事。是人之惡天好壽之情。而所以易守也。若其心勞肝傷。則雖自知災害不能遠之。是徇名利之欲。至于忘生忘死。其難慎十倍于脾腎之病。故脾腎之病易發見。心肝之病難發見。脾腎之病易治。心肝之病難治。王公貴人。猶患不能遂欲。况貧賤之家。固應多此病耳。世稱脾虛腎虛之病。多非脾腎之虛。心肝勞而見于脾腎者也。

史記扁鵲過魏。謂中庶子曰。越人爲方也。不待切脈。病應見於大表。予讀此傳至于此。始悟治術之要道焉。蓋越人者。古來稱脈家。其所著。有脈經。而猶有是言者。蓋夫至危急存亡之期。豈待切脈乎。病形危。則脈危。病形安。則脈安。至其脈疾而症不病。症疾而脈不病之論。醫家平日所當講究耳。

朱震亨論脈曰。人之爲病。有四。曰寒。曰熱。曰實。曰虛。故學脈者。亦必以浮沉遲數爲之綱。是脈家第一大關鍵。語云。子之所慎。齊戰疾。又曰。丘未遑不敢言。此慎疾謹藥之言也。醫家者流。亦宜雖毒藥穢物。必自嘗以知其良

毒而後以施諸人。神農氏曰：嘗百草之毒，醫當體其仁慈耳。

禮君有病，則臣先嘗藥。父有病，則子先嘗藥，是忠孝之道也。今或君父有病，而不擇醫之良否而委安危，亦可謂不忠不孝焉。

前漢藝文志云：有病不治，常得中醫。旨哉！與投不適之藥，寧莫藥焉。又明吳又可治疫先用緩劑，察病轉變，蓋亦不敢以人腎腸試毒也。

孫思邈曰：人無故不應餌藥，有所偏助，則臟爲不平。善哉言！然季世人民無病者，十中之一也。但內有疾而外未病而已。司命者治其未病可也。

世俗之醫急遽作許多之藥，投病家去，可謂略矣。凡煎法過不及，分量輕重，水之好否，水量之多少，發散疏通，滋潤攻擊之異，煎法武火文火之有進退宜詳，分付病家，不可疎略焉。

東洞先生講論醫教，每舉靈素之語，言其可否，纔纔數十百言。門人問云：先生常弗取靈素難經，以爲後人僞撰也。而講論之日，多舉其語，豈先生亦有間覽是書耶？先生云：吾於是書作暗誦，莫須觀覽耳。噫！後輩不識靈素一字，漫以先生藉口，亦先生之罪人也。

凡一藥之中，有麤品，有佳品，世多好大劑固善，然與麤藥之大劑，寧佳品之小劑。

古人之法，凡諸病誤藥雜亂，脾胃不和者，先以六君子清醒脾胃。夫久病痼疾，日夜把百藥雜投，諸藥雜亂于胸腹，却成奇疾。當此時，以大君子先補脾胃，是法尤善。古言不治得中醫，亦懼至於是耳。

世俗醫往往不讀書，不知古法，唯誦國字方書，而以爲足矣。至於其治病也，間雖有似奏效，亦偶中已，豈可共談司命之事乎？孫思邈云：不明陰陽者，不足謂之大醫，是戒學者安於小成者也。

韓文公曰：玉札丹砂赤箭青芝牛溲馬勃敗鼓之皮，俱收並蓄，待用無遺者，醫師之良也。嗚呼！醫人何不用心于此乎？問證而厲鍼，按方而采藥，若偶遇急卒之病，將何以應之，而又可謂之仁術乎？

醫人動輒以長者自許。豈於術有少長之殊乎。可笑之甚也。古云。駢臠之踴躍。不如驚馬之安步。駢臠且然。況驚馬之老者乎。

人身之疾病。不可不辨。內因外因之異矣。若夫混為一氣。一毒。則亦似無辨竅。

李中梓引致求正錄云。劉朱之言不忠。則軒岐之澤不彰。賊斯道之大魔。亦生民之厄運也。夫劉張朱李之言。師法于當時。然尙有是拒違之言。無怪後世。破劉朱之說。實蕃有徒矣。

古語云。病傷難可療。藥傷最難醫。學者宜鑒戒之。

前哲論害貴賤異治。想應有此也。唯吾曹紳樞。馳騁往來于鄉里。出入于閭巷。至于朱門黃扉。吾所未親。不敢以此概彼。

世有原方上。漫為增加。繆蛇足之類耳。當依古之定法規則。攷君臣佐使之分。審夏毒。辨好惡。而後以為加減。不然。大失原方之旨趣焉。

李士材云。病不辨則無以治。治不辨則無以痊。夫汗吐下溫清補者。為治術之要領。就中吐為最難。吾邦近世用吐方尤精。往往勝于中夏。蓋非有特得之術。難以妄為焉。余歷年試于治術。知吐方之甚難。是以偶遇可吐之症。則辭不敢施治。懼代新傷指耳。

自古賢者之隱于醫卜者。是蓋負其才能。未遭遇其時。託以磨跡于此而已。吾輩缺瓶之鐵。粗綫之車。縱令遭遇其時。焉能有所為焉。非夫奇士之懷才。以隱于醫卜之類。但織網策囊之樂。奔走于醫事。蓋亦技殫於此而已。且不肖自幼多病。不勝勞務。性好讀書。居恆在先考膝下。旦暮鑽研其道。先考每戒醫藥之差誤。天刑不可逃。不肖於是悚然懼。雖然。終上彌岐黃之經。下歷李朱之編。及其他吾邦近世新著通讀之。然未能曉然。及十五歲始遊于京師。就淺井氏。受靈素難經之說一年。徒惛然如處雲霧中。不辨東西。又聞衡山先生唱古醫方。就學一年。竟無所得。茫茫而歸。復在先考之傍。朝有所聞。夕有所試。遂綜博千古。涉獵羣策。始悟醫途之要務。不必泥古方。



不必捨近方。別有一條正路也。於是十年疑團。渙然冰釋。似暗室之張燈。既而又把先考所著古方類苑。藤氏方選。且纂補之。稍稍知其用心之所在。以是日試于疾病。又稍稍知其立方之不繆。十有餘年。而今而知醫道之難也。因念夫賢者之隱于醫卜。亦非以此消閑。要以試其所負於此耳。不肯如僕。勉勉從事。其苦心固當然爾。然施治之暇。未嘗少廢筆研。以誌吾自少小一二所得。示門下之子弟。而欲使知夫醫事之難。非憒情苟且之所能得云爾。

### 傷寒

傷寒者。非汗解不解。蓋傷寒之邪。自毫竅而入。其汗解在初起。長沙氏以桂枝麻黃發其汗。于前論已明備。若一誤其機。則諸症百出。或可吐。或可下。或可和解。或可大黃。可芒硝。可附子之症。皆出于汗解之誤治。不可不謹矣。予歷年試許多之傷寒。可汗解者。十中之九。非汗解者。十中之一而已。是蓋非汗解之病如是多。世醫恐汗解而不解之故也。世醫恐汗解如虎如狼。發汗過多。則云亡陽。或云亡津液。是以可解之邪。鬱伏爲壞症。遂至云附子。云芒硝。云大黃。而或竟斃。何恐汗解之至於是乎。仲景云。本太陽初得病時。發其汗。汗先出不徹。因轉屬陽明。是之謂也。故仲景云。自汗出而不愈者。先其時發汗。則愈。宜桂枝湯。復無汗者。以麻黃湯發之。蓋傷寒初起。有汗無汗。只發其汗則愈也。是長沙氏之法也。且夫汗解。非唯陽症。陰症猶且然。仲景云。小陰病得之二三日。麻黃附子甘草湯。微發汗。是陰經猶專汗解。况於陽經乎。予往往燦汗解之壞症。以長沙氏之法。得奇功不少。附于後。

### 太陽病

桂枝湯 自汗出者。

桂枝加葛根湯 自汗出者。

葛根湯 無汗者。

麻黃湯 無汗者。

大青龍湯 不汗出而煩躁者。

如仲景主治者。不贅于此。下做之。

陽明病

白虎湯 陽明病發汗之主劑。

按此方。仲景未嘗言發汗。古人亦爲清涼之劑。陶弘景云。石膏發汗。古人亦以爲不稽之說。成無己云。石膏乃重劑。而又專達肌表。吳又可云。白虎辛涼解散。服之自汗而解。又云。脈浮者。當汗解。宜白虎湯。余考白虎。本非發汗劑。而石膏乃陽明胃經之主藥。傷寒溫疫。同是邪毒。今邪毒聚胃經。則石膏以涼解之。是以邪氣達表。自汗發汗而解也。猶服承氣者。裏氣一通。則汗解。仲景立此方者。蓋陽明胃經之主藥也。又可治疫。主此湯者。又以邪毒在胃經也。故曰。此湯陽明病發汗之專劑矣。

桂枝湯 論云。陽明病。脈遲。汗出多。微惡寒者。表未解也。可發汗主之。

麻黃湯 論云。陽明病。脈浮無汗而喘者。發汗則愈。主之。

小柴胡湯 論云。陽明病。脇下硬滿。不大便而嘔。舌上白胎者。可與小柴胡湯。上焦得通。津液得下。胃氣因和。身濈然汗出解也。

少陽病

小柴胡湯 少陽病發汗之主劑。

仲景云。少陽不可發汗。按少陽不可發汗者。言不可用桂枝麻黃也。仲景云。凡柴胡湯。病經而下之。若柴胡證不罷者。與柴胡湯。必蒸蒸而振。却發熱汗出而解。又柴胡湯之條云。外有微熱者。去人參加桂三兩。溫覆取微汗愈。

柴胡加桂枝湯 仲景云。傷寒六七日。發熱惡寒。支節煩疼。微嘔。心下支結。外證未去者。是湯主之。

按桂枝湯。元發汗之劑。小柴胡又發汗。二方合。仍能為表發。予每用是方。得奇功不少。或隨症加減。凡傷寒日數過多者。多在柴胡桂枝之間。宜裁此湯有效。且夫此方和榮衛之補湯也。良山氏嘗知此方之奇異。予做之。投諸病。實知古方之奇能也。

### 太陰病

桂枝湯 論云。太陰病脈浮者。可發汗。宜桂枝湯。

### 少陰病

麻黃附子甘草湯 論云。少陰病。得之二三日。麻黃附子甘草湯。微發汗。  
麻黃附子細辛湯 按亦發汗之方也。

### 厥陰病

麻黃升麻湯 厥陰編云。傷寒六七日。大下後。寸脈沉而遲。手足厥逆。下部脈不至。咽喉不利。唾膿血。泄利不止者。為難治。麻黃升麻湯主之。令盡汗出愈。又云。下利脈數有微熱。汗出令自愈。又云。下利脈沉而遲。其人面少赤。身有微熱。下利清穀者。必難治。汗出而解。

桂枝湯 厥陰編云。下利腹脹滿。身體疼痛者。先溫其裏。乃攻其表。溫裏四逆湯。攻表桂枝湯。

小柴胡湯 厥陰編云。嘔而發熱者。小柴胡湯主之。

今舉于此者。緣發汗之一例而已。其他六經之諸症治方。不贅于此。當熟考仲景本書矣。

### 時疫

治時疫也。亦非汗解不解。蓋傷寒之邪。自毫竅而入。時疫之邪。自口鼻而入。傷寒汗解主于前。時疫汗解主于後。又可氏詳論之。學者當熟參焉。予按傷寒汗解之治。在桂枝麻黃。時疫汗解之治。在白虎承氣。是前後進退。有別故也。吳又可治疫製連原飲。以導邪毒。又主白虎承氣。俟自汗盜汗狂汗數汗。其論已明備。然予以為連原飲。三

消飲。柴胡清燥等之方論。未足深信。偶感之輕者。或毒熱薄者。雖非無其効。而至于邪毒猛烈。表裏共熱等之症。豈遑原清燥之緩劑。所能導達乎。是蓋非分解其熱毒。則不可得安何者。邪不傳則不去。邪不去則病不瘳。至白虎承氣之時期。自汗盜汗狂汗戰汗者。即邪去病瘳之時也。而俟其時者。不如分解邪毒。和榮衛。蓋又可氏俟其時以遑原清燥之緩劑調理之。至其感之輕者。實可謂良法也。然至其邪毒盛表裏共熱等症。猶用緩劑。以俟邪之退。似非上策。不如分解其邪毒。以俟白虎承氣之時耳。故予每至邪毒盛者。以桂枝麻黃分解其邪毒。察其進退。俟白虎承氣之時。同歸一途。蓋邪毒非發汗不解。白虎承氣者。實發汗之專劑也。予歷年用仲景之處方。做又可之法者。附于後。

遑原飲 感之輕者。

三消飲 感輕便結者。

柴胡清燥湯 感之輕者。

桂枝湯 邪毒重汗出者。以是方分解。

麻黃湯 邪毒重無汗者。以是方分解。

柴胡桂枝湯 邪毒重發熱者。以是方分解。

白虎湯 又可氏云。白虎辛涼解熱服之。或戰汗或自汗而解。

白虎加人參湯 又可氏云。通身血虛枯渴。不得汗者。用此方汗解。

三承氣湯 又可氏云。宜承氣先通其裏。裏氣一通。不待發散。多有自能汗解。予按承氣發汗之意見于此。

予錄于此者。只舉汗解之一例。而至其病化之轉變。解後之養榮等。亦當做又可氏之法也。

痢疾

痢疾之證。自古未有明說。經云。腸辟云。暴注下迫。難經云。大瘕泄。大腸泄。仲景云。下痢者。皆古人以爲痢。似未的。

葉氏病源。思幾千金方。王薤外臺秘要。皆腸癰瘰癧同。未見正辨。外臺許仁則。略似有明說。而其論所因。又尙未合。於是歷代方書。或云癰下。或云癰痢。或云痢。命名論治。終無歸一。或以赤白分寒熱。或以赤白分氣血。至論其因。或云飲食積滯。或云腸中鬱滯。或云寒。或云熱。或脾虛。或腎虛。至其治術。或偏於辛熱。或偏於苦寒。或主疎滌。或主補氣補血。諸說紛紛者。如此。今審其症候。與歷代名家之所論其病形懸殊何也。蓋今之所有痢者。與彼所謂痢者異邪。將其土異而因致有其證之異邪。將古無今痢。古痢亦無于今乎。何其齟齬之至。於是也。葉是藥者。若不審其所因。而施其治術。則何止千里之謬乎。余嘗歷觀今所謂痢者。推究其所因。本不過外來之邪氣而已矣。外臺所引病源。深師范汪甲乙等所云。天行熱痢者。略相似矣。蓋外來之邪毒。客于腸中。以腐爛其穢物。因致赤白帶下。膿血下重。諸症者也。故其病形與傷寒時疫彷彿。初起頭痛發熱。口渴。舌燥。憎寒壯熱。身痛腰痛。而下痢膿血。日數十行。臍腹疼痛。其形狀與傷寒時疫本無大異。只加下痢膿血。臍腹疼痛數症而已。是蓋以邪毒客于腸中。因致此數症。差所以與傷寒時疫爲異也。然其所謂邪毒者。不過于外來之邪毒。故其施治。亦不過于解散邪毒。若邪毒留滯于腸中。則毒熱薰上。禁口發嘔。奇證百出。以至不可救。不可弗慎矣。且夫今痢。自夏初至秋末流行。冬春甚罕。是蓋外來邪毒之所致。而非內因明矣。若是內因。則何必於夏初秋末乎。余故曰。彼腸中之鬱滯。或脾虛腎虛等之論。亦不可取矣。予歷年經驗之方。錄于後。

倉廩散。葉氏方。即人參敗毒散。加黃連陳倉米者。葉氏云。治痢疾。赤白。發熱不退。腸胃中有風邪熱毒。及時行瘟疫。沿門闔境。皆下痢噤口者。服之神効。

醫宗金鑑云。初痢有表證發熱者。不宜攻之。法當先解其外。用此方汗之。○予每治下痢。不問新久難治者。用此方間得奇効。

柴胡加桂枝湯仲景方 予或加干姜溫發邪毒。

桂枝湯仲景 逐邪毒。

桂枝加大黃湯仲景 逐邪毒。

厚朴七物湯仲景 先覺云。病初發。惡寒。發熱。腹滿痛。飲食如故者。

大承氣湯仲景 逐邪毒。

溫脾湯千金 補元氣逐邪毒。

溫脾湯方 大黃 桂心 附子 乾薑 人參

駐車圓千金 治血痢。

駐車圓方 黃連 乾薑 當歸 阿膠

手母以此方治陰虛勢嗽而為利者。殊效。

芍藥湯張潔古 治下痢膿血裏急後重。

芍藥湯方 芍藥 當歸 黃芩 黃連 大黃 肉桂 木香 檳榔 甘草

人連湯丹溪 下氣破口不食者。

半夏瀉心湯仲景 噤口發嘔者。

建中湯仲景 邪毒感形氣衰弱者。

理中湯仲景 邪毒中解中氣不足者。

補中益氣湯東垣 邪毒解後中氣不足者。調補脾胃。

八味腎氣丸仲景 邪毒解後下焦不足者。

脚氣

脚氣者。腎虛也。非外感邪賊之病。蓋腎主下焦。而為生命之府。其精乃臟腑之真元。非榮血之比。故曰天癸。以養一身之司命也。人之精血。常患不足。故腎有補而無瀉矣。若一散亂。則形體失守。病尋成。蓋脚氣一症。本出于腎。

感腎在下焦。故腎經失守。則邪毒乘虛入于下焦。是風寒暑濕之乘腎虛也。譬猶守兵急而賊兵入關。或遂至陷其城。若慎其守。則賊兵何敢窺覷乎。夫腎氣竭。而邪毒至衝心者。乃城既陷者也。蓋腳氣之症。不衝心。乃不死。既至衝心。則非復鍼灸湯液之所及。是以治腳氣者。只強其腎精。堅其根本。雖邪毒侵下焦。不至以衝心。其所以衝心者。以下焦無守也。是以崔氏治腳氣。上入小腹。不仁。用八味丸。八味丸者。仲景之所製補腎之主劑也。是蓋邪毒不至衝心之前。先強腎精。堅根本之法。方本非爲治腳氣設。而實治腳氣之夏劑也。世醫或只言八味丸治腳氣。而不知其因補腎經而然者。是不會方意者也。夫八味丸品味。非治衝心之藥。又非有逐邪毒之能。只強下焦補腎經而已。崔氏之以此治腳氣。小腹不仁。可謂得仲景之微意也。蓋腳氣不衝心不死。只以仲景之法。能補其腎經。能堅其根本。又何憂之有。腳氣之治。實莫善於是矣。

又按腳氣之症。古人以爲難。黃岐之世。名云緩風。云濕痺。又云厥。而此病尙罕。至漢唐之世。頗多。故自長沙氏以來。議論紛紛。奇詭百端。孫思邈千金方。王素外臺秘要。所舉病源。蘇長史近効。崔氏唐侍郎延年廣濟等。其說雖詳。而議論不可取者多。蘇長史雖最詳。而專禁補。亦不可從。議論亦多謬見。崔氏獨能通長沙之意。又得腳氣之治。尤可規則耳。其後至宋金元明諸家。無復足取者。只當依仲景之舊。餘備于參考也。錄予歷年所試之方。且取捨諸說附于左。

千金論曰。考諸經方。往往有脚弱之論。而古人少有此疾。自永嘉南渡。衣纓士人。多有遺者。嶺表江東有支法存。仰道人等。並留意經方。偏習斯術。近來中國士大夫。雖不涉江表。亦有居然而患之者。良由今代天下風氣俱同。物類齊等所致之耳。

按是論脚氣。依方土風氣。予不以爲然。脚氣者。內因也。內因者。固不依方土。居然自病。亦不足怪。古少是病者。以人性厚強也。至漢唐頗多者。蓋民風稍弱。元氣轉薄。而情欲日益縱恣。是所以多此病也。且夫黃岐之世。已有緩風濕痺之名。而後醫猶不識。緩爲餘病。瘵之是不特當時少此病。亦識此病者少耳。蓋脚氣者。腎虛也。豈

有依方士風氣之理乎。

千金又云。凡患脚氣。到心難治。以其腎水剋心火也。按脚氣本下焦之毒也。毒乘腎虛。遂衝心則死。非腎水剋心火也。

病源云。凡脚氣病。皆由感風毒所致也。得此病者。多不即覺。或先無他病。而忽得之。按風毒者。病之枝葉耳。是

又云。大虛乏短氣。可間服補湯。隨病體之。按脚氣者。本虛病也。至于虛乏短氣者。不治也。非補湯之所及也。用

補湯者。當用未至短氣之前也。蘇長史論曰。脚氣之爲病。本因腎虛。又云。脚氣病雖苦虛羸。要不可補之。補藥唯宜冬月。按蘇云。脚氣本腎虛。

而復云不可補。何言之矛盾乎。蓋脚氣之本。爲腎虛也。治其本者。治脚氣之法也。故仲景以八味丸治其本。今

夫禁補湯者。捨其根本。伐其枝葉也。反仲景之法。不可從。若夫捨根本伐枝葉。何保無衝心之憂乎。

千金云。脚氣之疾。皆由氣實而死。終無一人以服藥致虛損。按思邈之言。後人以爲則。而猶有是謬論何哉。夫

脚氣之病。出腎虛明矣。何不可補乎。所謂由氣實而死者。由邪氣實而死也。豈有精氣實者。而邪毒侵之乎。蓋

脚氣症本因腎精虛乏。邪氣盛實而死。豈有精氣實者。而至死乎。經云。邪氣盛則實。精氣奪則虛者。是之謂也。且夫藥物者。補精氣。去邪賊之具。豈有服藥致虛之理乎。噫。以思邈之賢。猶尙有是謬論何哉。

蘇長史云。室女及婦人。或少年得此病者。又非由腎虛。而得卑濕之土。按蘇以爲室女及婦人。或少年。無腎虛。何不遇于事理之甚乎。夫人身之體。有生之初。已有厚薄。故丈夫有腎厚。兒女有腎薄。不可以膠執夫婦女少年得此病者。皆以有生之初。腎薄之故耳。不復足怪矣。且夫婦女少年。有肝肺虛。則可謂腎獨無虛乎。蓋此病以腎薄。下焦虛之人。得卑濕之土。以發焉耳。非由腎虛。而唯得卑濕之土。以發者。甚輕症也。不以足曰脚氣。許仁則云。有乾濕二脚氣。濕者脚腫。乾者脚不腫。按此說雖支離也。亦可以備參考。



陳無擇曰。脚氣不專主於一氣。亦不專在一經。故與中風寒暑濕爲異耳。楊氏云。脚氣是爲墜疾。東垣云。脚氣之疾。實水濕之所爲也。丹溪云。脚氣多屬肺氣之實。按數條皆是。雖係名家之說。然今熟審其症。不合。不可從。

活人書曰。凡脚氣。補藥之當禁。禁其始也。發散疎下之後。而病屬虛者。豈可禁乎。按補藥之當禁。禁其始也。是何言之謬也。蓋脚氣本出于腎虛。補當在其始也。至于邪氣實者。非補湯可及。至其邪氣盛者。發散疎下以攻伐可也。故補當補于其始耳。

按論脚氣者。外臺秘要最爲詳也。然議論方法不可從者多。至其補湯。間有可取者。然無有踰長沙之八味丸者。降至宋金元明。諸說紛紛。或云虛。或云實。或云濕。或云壅。或云肺。今概弗取其處方。或攻擊。或補湯。予歷年試用有驗者。錄于左。

八味腎氣丸。仲景云。虛勞腰痛。少腹拘急。小便不利者。主之。又云。夫短氣有微飲。當從小便去之。主之。又云。男子消渴。小便反多。以飲一斗。小便一斗。主之。又云。師曰。此名轉胞。不得溺也。以胞系了戾。故致此病。但利小便。則愈。宜腎氣丸主之。按八味丸。補腎之劑。而益精強元之方也。而後世有以爲小便通利之劑者。是遽謂仲景主治之言。而不審察其旨趣之所在者也。蓋仲景製八味丸。本爲補腎設。而其云利小便者。非直利小便。使腎經強矯也。腎經強矯。則小便自利。故云利小便耳。如夫消渴病。小便反多。以飲一斗。小便一斗者。亦用八味丸。以是觀之。非利小便。使腎經強矯者明矣。是仲景之真意也。而其用之治腫滿。似有通利之功者何也。蓋腎主水。腎虛則不能宣通水液。水液不傳於小腸。水氣擁溢。所以致腫滿也。於是乎用八味丸。補腎而小便自通。腫滿自消。是仲景之方。所以妙于千古也。夫通利之劑。足以治脚氣。則五苓散可耳。何必待八味丸乎。故八味丸之有通利之功者。治不利之本者也。學者其審諸。

外臺云。崔氏脚氣上入小腹。小腹不仁。卽服仲景八味丸。按八味丸。治脚氣。是崔氏之所發明也。是方仲景

所製而未言及脚氣之治。而自崔氏初發之。實可謂得仲景言外之意矣。知夫脚氣爲腎虛。又知八味丸爲補腎之劑。則脚氣之治。莫藉於他耳。

又按八味丸。非唯治脚氣諸病。屬腎虛者。皆用。可以補後世名家用之。皆以爲有補腎之効也。而或以爲通利之劑者。非悖乎。又按脚氣非補腎不治。故上自千金外臺。下至李朱之書。補腎之方劑。亦不遑枚舉。然無出于八味丸之上者。予每用此湯。於脚氣治其本。至治其標。雜投諸家之方。其經驗者。錄以示幼學。甲賀通元云。金匱中風歷節附方。崔氏八味丸治脚氣。上入小腹不仁。按此崔氏八味丸品味分兩。與婦人轉胞腎氣圓同。乃林億等。自外臺秘要。脚氣方中採附于金匱中風歷節之後。蓋八味腎氣丸。仲景所製。而又治脚氣上入者。出於崔氏所治。故標出崔氏八味丸。此崔氏未審名字。應是仲景以後人耳。諸方書。或以八味丸爲崔氏製者。非也。

烏頭湯仲景 治脚氣痠痛。不可屈伸。予每用此方。療脚氣痠痛。兼用八味丸。治其本。

越婢湯千金 療風痺脚弱。此方即仲景越婢湯加附子者。予每用此方。亦兼用八味丸。

茱萸湯千金 外臺文仲云。毒氣攻心。手足厥絕。此亦難療。不得已作此湯。

茱萸湯方 吳茱萸 木瓜

外臺唐侍中療脚氣方 大棗 生薑 橘皮 吳茱萸 紫蘇 木瓜 按先聖名大棗湯。治脚氣。

千金治水腫利小便。酒客虛熱。當風飲冷水。腹腫陰腹滿方 商陸 甘遂 芒硝 芫花 吳茱萸 未嘗丸。

按先聖名平水丸。治脚氣腫滿及下部病。

敗毒湯三因 治三陽經。脚氣流注。脚膝上發熱赤腫。寒熱如瘧。自汗惡風。

依本方加大黃蒼朮。予用此方。每得奇效。示兼用八味丸。

按治脚氣之方。外臺千金最爲備。此舉其經驗者。其他元明之方。亦有可取者。學者當參考。

虛勞

虛勞者。勞傷臟氣之謂也。夫人身之疾病。非外感則內因。內因亦有虛有實。虛者所謂虛勞也。蓋治之之法。不可汗。不可吐。亦不可下。只有補之耳。而補之義。予前詳論之。夫補者。非充足焉。非滋潤焉。填調其勞傷不足之義也。既填調之。臟氣循環。榮衛流行。則臟氣自充足焉。榮衛自滋潤焉。是蓋體用耳。補之調之者用也。充足之滋潤之者體也。非謂草根木皮。直充足滋潤臟氣也。予歷年所用之方。附于左。

三黃瀉心湯金匱 補心氣不足。

桂枝加龍骨牡蠣湯金匱 補腎虛。

小建中湯金匱 補諸不足。

千金云。治肺與大腸俱不足。

黃耆建中湯金匱 補諸不足。

酸棗湯金匱 補心虛。

大黃蟄蟲丸金匱 治諸不足。緩中補虛。

炙甘草湯金匱 治虛勞不足。甲賀通元曰。按金匱虛勞附方。出千金翼衣甘草湯與傷寒論同。蓋治虛勞不

足者。出於千金翼耳。

八味腎氣丸金匱 補腎虛之主藥也。

錢氏地黃丸小兒直訣 即六味丸。補腎虛。

王梅隱元戎云。八味丸。益火之劑。以消陰翳。錢氏地黃丸。壯水之主。以制陽光。

逍遙散局方 補肝脾虛勞。

四物湯局方 補肝脾腎虛。

四君子湯易簡方 補脾虛。

六君子湯濟生方 補脾虛。

十全大補湯局方 補氣血兩虛。

茯苓補心湯千金方 補心氣不足。按千金方三因方易簡方補珍方云。茯苓補心傷者。主治品味不同。宜用

千金之舊。

八物湯袖珍方 補氣血兩虛。按八物湯古方。品味有不同。宜用袖珍方。

歸脾湯濟生方 補心脾。按濟生原方。無當歸遠志。薛氏加當歸遠志。今從薛氏。

補中益氣湯辨惑論 補脾胃虛。

人參湯金匱 即理中湯。補中焦。

千金云。已產訖。可服此方。新生臟虛。此所以養滋氣也。

予常用補湯尚多。舉於此者其大約耳。其他不遑枚舉。又至主治品味。不復贅於此。當就本書而致也。

跋

古方之精。後方之密。不一而足矣。後學何患不備哉。如斯書。固非敢爲醫門之準繩。亦不足以爲初學之階梯。直以記平日醫談而已。至夫治驗之方。特鄙事。至經所謂侯王之治。吾豈敢謂知之哉。識者無嘲之。則幸矣。

享和王戌冬近藤隆昌

誌